

Muhdú pámeere páné iínújiri ijcyáné miamúnaa mejjcyáiyóne

Tujkénúeju

fhyaamtí pañétú caatúváné páné iínújilne múnáadityúu tsaate tsatsihvú idyóbéévéne muhdú miamúnaa mejjcyáiyóné pityácójcatsiñe.

Ditsiééberédípye 10-ri 1948 ijcyáné pijcyábari tsaate páné iínújilné túkevéjtsojtédityú pihcyaavé ipityácójcatsí muhdú miamúnaa mejjcyáiyóne. Á;ané dobéévé "Naciones Unidas" néémeé. Aaméhjáa téijyu caatúnú 30-neva miamúnaa maávveyjúúlléiyonéhji. Aanéhjáa imí iįtsúcunúnéllii nééme ténéhji páné iínújilne múnáake iúúbállémeiki. Téhduréhjáa nééme ténéhji cáatúnúmeiháámí pahúllevávú pámehdívuré itsújááve téhaami ditye patsihjivávuré iééveki.

Á;ané boonétúhjáa iñe méiiniúji túkevéjtsojte téhdure ipihcyáávéne néé páneere 30-nevaa cáatúnúmeiñé muhdú néhdu mejjcyáiyóné méiiniújiri.

Aane ténéhji méwáábyuta ijcyáhi. Á;nehji múu imíñeúvú iwáájácúne tehdu ijcyáhi. Aane tsá múu ihdyivuré pícyootúne. Múu iñahbémudivú pajtyétsó ténéhji ditye iwáájácúne tehdu iįjcyaki.

Pityájcoju ihdénúmeiñe

Muurá pámeere tsáápiitsa méboohówama mejjcyane mewáájácúmeicyá botsii máájíyúiníyá muhdú imí mejjcyáiyóne. Á;ánéllii tsá tsaate tsijtyé hójtsi pañe meicyáityuró icubáhrádu. Tsá tsaate tsijtyedi meicúbáhráityuróne. flure mepiáábójcatsiíyá pámeemáyé imí mejjcyá tútávátsójcatsityúme.

Á;rone teene méboohówá ijcyaróné mewáájácútúné njícaúvú muurá tsaate muhdú imí mejjcyáiyódú ijcyatúmé illure tsaatédi icúbáhrahjicyáhi. Aane ehdu ditye méénune pámeere miamúnáadivuro imityúne. Muurá pámeere iínujiri ijcyáné miamúnaa méijyácunurá tsaímíyé mejjcyáiyóneri. Tsá múha méhdivu túútaválléityuró meihjyuvánee, iiná mecáhcujtsónee, ijcyane. Aame tsá ilneri meillityéityuróne. Tsá pihótóju pañe mejjcyáityuróne. Ehdu mejjcyane pámeere miamúnaa imí méjįtsúcunúhi.

Ehdu imityúné medářiłlvécatsiíyóné ihdétú ijcyáiyóné mééma túkevéjtsojúúne. Muurá tsaate imityúné meke méénúhajchíi téénej tééveri tsaímíyé méimibáchójcatsihi. Muurá tene ijcyátuca tsáijyu máavyéjajte ijcyárómemama mémúnáátsójcatsiíyáhi.

Aane mewáájácucará téénej tééveri pahúllevá iínújilne múnáama imí mejjcyáiyáhi. Tsá tsaatéké menéhnlléityuróne. Muurá pámeere miamúnaa iínújiri mejjcyame méimillé tsahdúré imí mejjcyáiyóne.

Muurárhjáa 'Páné Iínújilne Múnáá Pihcyááve' némeiñé pañe tsúuca itsaavémé muhdú pámeere miamúnaa wajpúumumáyé walléémú mejjcyame tsahdúré maávveyjúúlléjcatsiíyóne. Aame mepiáábójcatsiíyá panéjcuávú tsahdúré pámeere imí mejjcyaki. Á;ané pityájcoju iñe muhdú miamúnáake mepiáábóiyóné tsúuca mééma ijcyáneri méwaajacútsó páhduube cómiñe múnáajpi méboohówama mejjcyane ditye iávveyjúúlléne icyáhcújtso imí iįjcyaki.

Muurárhjáa 'Páné Iínújilne Múnáá Pihcyááve' némeiñé pañe ijcyame néé páhduube cómiñe múnáajpi méboohówama, méįtsútuma, mejjcyame maávveyjúúlléjcatsímíyé múhóįtsi pañé mejjcyátuki. Aamée pityácójcatsí muhdú miamúnáake ipiááboiñé imí ditye iįjcyaki.

Aane imiáané tehdujucu pámeere wáájácúiyóné muhdú túkevéjtsoju néhdu mejjcyame maávveyjúúlléjcatsiíyóne.

Ahdcyane 'Páné Iínújilne Múnáá Pihcyááve' némeiñé pañe ijcyame néé ténéhji néhdu páhduube iínújiri ijcyáné miamúnáajpi méijcyáiyóné méwáábyuta tene ijcyánélliihye. Á;áneri mejlyacunúiyá muhdú tene néhdu mejjcyáiyóneri. Á;hdure tsįjtyeke méúwáábóiyá méiiniúji múnaa ijcyáturóméhjimájuco ditye tehdu iįjcyaki. Ehdu imí méįjcyáiyá tsúuca teene mewáájácúmé teenéi wáájácútúmé pamévamáye.

Á;ané túkevéjtsojúúné illu nééhií:

1. Túkevéjtsoju

Pámeere iínújiri mejjcyame tsá múhójisi pañé icubáhrádú mejjcyáityuróne. Pámeere tsahdúré imí mejjcyame mewájyųjcatsiñe mepiáábójcatsiíyá tsaatéké éhdíłvállétúmé éhne múu mépañétúéné nahbémuma mejjcyadu.

2. Túkevéjtsoju

ñne ihyaaamítú muhdú tene cáatuvádú méįjcyáiyá pamévamáyé memúnaa ijcyáturómema. Tsahdúré meįtsúcunúiyá pamévakéré wajpiímuke, walléémuke, pahdúváré méjpiłhañe menéérómeke, pahdúváré meihjyúvárómeke, muhdú Píivyéébeke cáhcúįtsórómeke, tsáįjyu múúne tsaate múhdurá túkevéjtsojtédityú iįtsámeiyómeke, tsiíñé iinúji múnaa ijcyárómeke, iłtsútúmeke, idáátsórómeke, muhdúįvátsihjívú tsímávámeiyómeke; pámeekéré tsahdúré méįtsúcunúiyá tsaatéké éhdiivállétúme.

Téhdure tsá múhdurá meįtsúcunúityuró tsáįjyu múúne tsaate túkevéjtsojte múhdurá iiniúji múnáake túkévjįtsórómeke. Tsá ditye ityaúhbajúúné múhdurá méénúróné pañe ijcyámeke meéhdiiálléityuróne. Tsáné iinúji múnaa tsaaté hójtsi pañe múhdurá ijcyárómeke tsá meéhdiiálléityuróne. Tsahdúré méįtsúcunúiyá iıye túkévjįtsómeiyómema diityéke.

3. Túkevéjtsoju

Páhduube imí méįjcyáiyáhi. Á;ámeke tsá múha íneri meke ipátsárijcyómeke tútáváįtsóityuróne.

4. Túkevéjtsoju

Tsá tsaate meke ihyóįtsi pañévú pícyoome icubáhrádú mejjcyame diityé iicúve múnaa mejjcyáityuróne. Tsá muucá miamúnáadivú menáhjihénúityuróne. Eene tsáma ávyeta tsá imillémeityúne.

5. Túkevéjtsoju

Tsá tsaatédi meicúbáhráityuróne. Tsaatéké meúwáábócooca chooco méúwáábóiyáhi. Tsá meméénúityuró iyáábeke múu méénudu.

6. Túkevéjtsoju

Páhduube miamúnáajpi iñe méiiniújiri ihdyícyátsii mejjcyarómé téhdure méįjcyá teene túkevéjtsojúúné pañe. Aame mepiivyété tsaatéké menééne méwáábyuta páme wáábyutará tene ijcyane meke ipiááboki.

7. Túkevéjtsoju

Tsáné imibájchoju tsaatémá meméénúcooca tsá tsaatékéké mepiáábóityuróne. Pámeemáyé tsahdúré imibájchoju méénúmeiíyá muhdú imichi teene taúhbaju néįjįtóri.

8. Túkevéjtsoju

Pámeere miamúnáama imityúnéhji imibájchoobe imibájchóiyá tehdiívane diityémá pájtyécooca muhdú taúhbaju néhdu tsaatéké éhdiivállétuubére.

9. Túkevéjtsoju

Tsá tsaatéké peecúteré meékéévéne mecúvejaáánúityuróne. Téhdure tsá peecúteré tsaatéké méiiniújitu mejjchívyétsóityuróne.

10. Túkevéjtsoju

Tsaate tsįjtyé hallúvú imityúnéhji imibájchóóbeke úúbálléįjvu díłbye éllevu péémema imíñeúvuré imibájchóiyooobe muucá éhdiivállétuubére. Á;rónáa ihdyu tsá dibye tsaatékéké piáábóityuróne. Méénúiyooobe muhdú teene taúhbaju néhdu tsahdúré pámeemáye.

11. Túkevéjtsoju

Tsaate tsįjtyé hallúvú imityúné úúbállécooca tsá peecúteré menééityuro imiáané tehdujucu tene ijcyane. Tujkénú páñetu úúbállémeiíyómé muhdú tene ijcyane imíñeúvú mewáájácuki.

Muurárhjáa taúhbajú imíñeúvú pánéévétúnáa tsaate múhdurá ijcyárómé hallúri tsá pahdu iiná ijcyatúne. Á;jyúu imityúné méénúomeke tsá icyooca ijcyáné taúhbaju néįjįtóri meúwáábóityuróne. Méúwáábóiyá téįjyúu ijcyáné taúhbaju néįjįtóri. Á;rónáa ihdyu icyooca tsaate imityúné méénúhajchíi botsii méúwáábóiyá muhdú icyooca ijcyáné taúhbaju néįjįtóri.

12. Túkevéjtsoju

Tsá tsaatéké ínerí mepátsárijcyóityuróne; tsá tsaaté já mepátsárijcyóityuróne; tsá tsaate tsijtye éllevu wallóóné waajácúháaími meéévéityuróne; tsá tsaatédityú néhnijyu mewááóityuróne. Ehdu nénéhí íhdétú ijcyáné mééma táuhbajúúné pámé wáabyuta meke tene ityéhmeki.

13. Túkevéjtsoju

Tsáné iínújiri mejcyame mépiivyété mepééiyóné kiávú méimilléhullévu. Aame méijcyáiyá kiá meimillétsihi.

Muurá pamévaré mépiivyété tsííñé iínújivu mepééiyóne. Aame meóómiyá méiínújivu méimillécoóca. Aane tsá múha meke tsáhájtsóityuróne. Muurá mépiivyété mepééne meimilléhajchíí téhulle mejcyaki.

14. Túkevéjtsoju

Muurá méiínújiri ícúbáhraméí pañe mejcyáhajchíí mépiivyété mepééiyóné tsííñé iínújivu. Á;áné iínúji múnáa tsaimíyé meke waatsúcúpéjtsóiyá imí diityémá mejcyaki. Tsá meke ditye cá túhtsópéjtsóityuróne.

Á;rónáa tsáijyu múúne méhdityúré ijcyane ímityú medáíívémeihijcyámé ihdyu tsá mepíívyetétú tsííñé iínújivu mepééiyóne. Awááaréjucó íñe muhdú íhyaamí pañétú tene néhdu mejcyátúhajchíí muurá tsá mepééityuróne.

15. Túkevéjtsoju

Pamévaré míamúnáa méijcyá tsáné iínúji múnáa. Aane tsá múha meke nééityuró tsáné iínúji múnáa mejcyatúne.

Téhdure tsá múha meke peecutére wallóóityuró tsííñé iínújivu. Téhdure idyé tsá múha meke nééjuri tsííñé iínúji múnáajpíyéjucó mejcyáityuróne.

16. Túkevéjtsoju

Pamévaré míamúnáa wajpíímumáyé wallémú piivyété ityáábávajcatsíñé iééve úújetétsihvu íimilléhajchíijyu. Aame tsúúca tsája múnáa ijcyame piivyété ítsíímváne. Á;ánetu tsá múha diityéké tsáhájtsóityuróne. Tsá muhdú tene néétu muutéhji ditye ijcyane, muhdú Piívyéébeke ditye úraavyéne. Muurá pámeere piivyété tyáábávajcatsíñe. Aane diitye táábávajcatsímyé avyéjúúlléjcatsíiyá tsahdúre. Téhdure wáágóójcatsíyómé avyéjúúlléjcatsíiyá tsahdúre.

Á;ánetu tsá muucá metáúhbáityuró ditye ityáábávajcatsíki. Caatyé ityáábávajcatsíñé imillémé pañetu iye íimilléhajchíí piivyeté ityáábávajcatsíñe.

Muurá ihdyu pañetu mejcyájucó teene tsája múnáa mejcyane. Aame pámeere méijcyá tsahdúré meinuji túkevéjtsojé túkevéjtsójú pañe.

17. Túkevéjtsoju

Muurá pámeere tsáápiitsa méijcyátsíhjiima méijcyáiyá méimilléhajchíijyu. Téhdure tsaaté múnáa iliínújima ijcyáiyá íimilléhajchíijyu. Aane tsá múha tsáhájtsóityuróne.

Aane tsá peecutére múhdityú ijcyátsíi múha dójtúcúityuróne.

18. Túkevéjtsoju

Pámeere míamúnáa mépiivyété muhdú méjtsámeidyú mejcyáiyóne, kéjijtóri Piívyéébeke meúráávyéiyóne. Téhdure mépiivyété tsájijótú tsijijótóvú mepájíyéiyóné muhdú méimillédu. Aame idyé mépiivyété íná méjtsámeíñeri, íná mecáhcújtsóneri meihjyúváiyóné mééréétsihvu. Téhdure mépiivyété medóbéévétsihvu tsíjtyeke meúwáábóné keená eúráávyejjóto.

19. Túkevéjtsoju

Pámeere mépiivyété íná méjtsámeíñé méjyújcaáyóiyóné tsijtye iwáájácuki. Aane muhdú méjtsámeíñé meihjyúváné hallútú tsá múha meke tsáííléityuróne. Muurá mépiivyété panévaré mewáájane. Téhdure mépiivyété muhdú tsijtye íjtsaméí ijcyane mewáájacúné waajácúhaamíné meéévénej tééveri. Muurá idyé mépiivyété íná méjtsámeíñé mecáátunúne, meúwaabóne. Aane páneere mépiivyété ihdyícyáhullévu tsííñé iínújiínévú metsújaucúne. fñehji páneere mépiivyété meméénune mecáátúnúneri, meihjyúváneri, panévaríyé muhdú méimillédu. Á;áné hallútú tsá múha meke íná nééityuróne.

20. Túkevéjtsoju

Pámeere mépiivyété tsatsíhvú medóbeevéné mepítyácójcatsíki. Téhdure mépiivyété tsáha múnáa tsáné wákimyei meenuhá pañévú meúcaavéne.

Á;rónáa ihdyu tsá múha meke ávyeta táúhbáityuró tsáha múnáajpi mejcyaki.

21. Túkevéjtsoju

Pámeere mépiivyéterá méiínúji túkevéjtsojie ijcyáha múnáa pañévú meúcáávéiyóne. Meere meúcaavéné mepíívyetétúhajchíí tsíjtyeke meméménúmeke mewáállóóiyá mecápayóóve.

Muurá pamévaré mépiivyéterá méiínúji túkevéjtsojie níwáávéné wákimyeíháñé meméénúiyóne.

Muurá pámeere míamúnaaré mémenúmé tsáné iínúji túkevéjtsojie ijcyáhi. Teene meenúmé caatyéké ityújkevééllémeke téévéneúvúré imyéménúneri. Aane tsá tsaatéré píívyetétú teene imyééñune. Muurá pámeere mépiivyété meméménúne. Á;rónáa tsá múha meke táúhbáityuró tsaate metújkevééllétúmeke meméménuki. Meere pañetu caatyé méjtsúcunúmeke mémeménúiyáhi. Téhdure idyé mémeménúiyá tsaatéké muhdú méimilléjjjitori. Á;rónáa ihdyu ímíñeúvú tene ijcyáiyódú méméénúiyáhi.

22. Túkevéjtsoju

Pámeere méhdi ijcyáiyóné íñe tájpi mejcyane. Á;nejcútú méiínúji avyéjuchte meke piáábóiyá ipíívyetédúneri. Téhdure tsííñehji iínújiine múnáa dsíídsivámé meke piáábóiyá íñe tájpi mejcyáiyóné méjcyátsótúmeke. Aame íná meke píhtotómé tsúúca imí mepanéévémedí tsá múha méhdi úúhívatéityuróne. Ehdu méijcyáiyá imí memúnáma mejcyame meúrááve méíhdé múnáaúvúu úráávyehijcyánetu kéjijtóji imí méjtsucunújijjítóji.

23. Túkevéjtsoju

Pámeere mépiivyété mewákimyeíma mejcyáiyóne. Á;rónáa idyé tsá tééneri ávyetá ícúbáhraméí meméénúityuróne. Aane teene wákimyeí túkévejtsómé tsaimíyé meke túkévéjtsóiyáhi. Á;ánetu tsáijyu múúne tsaate íwákimyeíma ijcyátúhajchíí pamévaré mepiáábóiyá téhdure íwákimyeíma ditye ijcyaki.

Pámeere mépiivyété tsahdúré meújcúiyóné mewákimyeí áhdó muhdú mewákimyeíñé tujkévevu.

Pámeere wákimyeí múnáa íná íwákimyeíñe áhdó újcúiyá tééne tájpi ísímema imí ijcyame iávyejúúllémeíki. Aane tsáijyu múúne tsaaté wákimyeí áhdó úújetétúhajchíí tsíjijtóriyéjucó diityéké tene áhdómeiyóné tsijtye diityéké piáábóneri.

Pámeere wákimyeí múnáa piivyété idyóbéévéne ipityácójcatsíiyóné muhdú íwákimyeí tsííñehjiima ijcyane íimibáávyétsoki.

24. Túkevéjtsoju

Pámeere mépiivyété mewákimyeítyúí tsárahja mewáyééévéiyóne. Aane tsá mewákimyeí mepatyéévétsóityuróne. Eevériyé mewákimyeíiyáhi. Muurá téénellíi ijcyáné téénetu mewáyééévehijcyárahji. Á;rójcoojji áhdó méújcúiyá téjcoojji mewákimyeityurónáaaca.

25. Túkevéjtsoju

Pámeere mépiivyété tsaimíyé mejcyáiyóné méétsíímema. Aame mehjáháñema mejcyámedityú tsá majcho, wájyamu, tsííñehji íñe tájpi mejcyáiyóné píhtóityuróne. Mechémécooca metáábímíyeyáhi. Ijcyáné tsííñehji téhdure imí meke piáábóiyonéhji. Á;nejcúhjiu mepiáábójcatsíiyá imí tsaméhji mejcyaki. Tsaate íwákimyeíma ijcyátúmeke mepiáábóiyá ditye téhdure íwákimyeíma ijcyaki. Téhdure kéémemu, pííbjyujte tsijtye idátsó nééme íwákimyeíiyóné píívyetétúmeke mepiáábóiyáhi.

Téhdure idyé walléémú éévájtema tsíiniéwuúmuke tsaimíyé météhméiyá imí ditye ijcyaki. Tsá apáámyéré imí ityáábávajcatsíñe tsímáváméj tsíimeke météhméityuróne. Téhdure imí táábávajcatsityuróméj tsíimeke tsaimíyé météhméiyáhi.

26. Túkevéjtsoju

Pámeere mépiivyété waajácúhaamié mífteiyóne. Tsá tsiime waajácúhaaminé ítetúmé ijcyáityuróne. Imíllémeiñé pámeere tsiime waajácúhaaminé ítéiyóne. Aane tsá áhdómeityúne. Téhdure pámeere mépiivyété éhniíñevújoco ijcyané uwáábovu meúcáávéiyóné méwákimyéima mejcyaki. Tsá tsaaté wáabyutaré tene ijcyáityuróne.

Páneere uwáábó ijcyá méwáábyuta meke tene wájácúúvetsómé pamévakéré maávyejúúlleki. Aame tsá meéhdiiiválléityuró tsííñé iñúji múnáa, tsíjyúhjiri ihjyuvámee, Píivyéébé icyánéjcu pahdúváré úráávyerómee, ijcyámeke. Á;ánej tééveri 'Páné Iñújííne Múnáá Pihcyááve' némeímyé túkevéjtsoju néhdu páhduube cómííne múnáajpi imí ijcyaki.

Muurá pámeere mépiivyété méétsíímeke keená imí mejtsúcunúné ditye áábohíjcyátsihvu meúácóiyóne.

27. Túkevéjtsoju

Pámeere mépiivyété muhdúhjáa meihdé múnáaúvú icyahíjcyánetu imí mejtsúcunújitóji meúraávyéiyóné majtsíháñe, nuutáháñema tsíñehji imí nénehji. Á;néhjitu tsá múha meke píivyetétú íbóijcyúiyóne. Téhdure tsíñehji éhniíñevu mépiivyété mewáájácúiyóné méicyánéjcuene ijcyátúronéhji keená meke píááboiyonéhji mewáájácuki.

Pámeere mépiivyété meméénúiyóné tsane, mecáátúnúiyóné tsané íjtsaméi. Á;néhji hallúvú ímichi teene méénume dsiidstváiyaíhi. Tsá tene ímíllémeityú tsane meméénune tsijtye iékéévéne hallúvú dsiikístváiiyóne.

28. Túkevéjtsoju

Pámeere tsíñéhji iñújííne múnáama mépiivyété mejjcyáiyóné túkevéjtsójú pañe imí mejcyaki. Á;ánélliihyée muurá páhduube panéva iñújííne múnáajpi idyóbéévéne meenú túkevéjtsoju. Aane tútávájtsóiyóné taúhbaju muurá tsá ijcyatúne. Ehdu ijcyáiyóné muhdú ihyaamí pañétú tene néhduú.

29. Túkevéjtsoju

Pámeere máhallúrí teene memúnáama imí mejjcyánetu meke píaabóné meméénúiyóne. Á;ánetu méwaajácúiyá ímíáané tsúúca mewájácuuvéjucóómé imí mepáneevéne.

Á;ánéllii tsúúca ijcyané mééma panévatúré meke túkévéjtsóiyóné taúhbajúúné pámeere tsahdúré imí mejcyaki. Aame tsá metútávátsójcatsíityuróne. Pámeere pátsáricyójcatsityúmé mejjcyáiyá tsahdúré imí mejcyaki. Tsá múha píivyetétú ímíllédú meke idyáíívéiyóné tehdu múhójtí pañé mejjcyámekéjívári.

Muuráhjáa íñe túkevéjtsojúúne néhdu tsaimíyé méijcyáiyáhi. Aane tsá múha tsihdyúrétsoíityuró 'Páné Iñújííne Múnáá Pihcyááve' némeiñé pañée ijcyame méénúné túkevéjtsojúúne.

30. Túkevéjtsoju

Páneere íñe ihyaarní pañe ijcyané túkevéjtsoju méénúmeiñé tsá múha tsíñejcúvúré illéébóne ímíllédú tsaatéké dáríívéityuróne. Tsáijyu múúne tsaápi, tsaáte, méiiñúji túkevéjtsojte ijcyarómé tsá tehdu méénúityuróne.